

農業園公聽會2018-10-05  
受迫遷戶 蘇佩雲

我係受第一期農業園道路而被逼遷嘅蕉徑村民阿CAT。我先生從出生到而家都住喺蕉徑有四十幾年，而我亦住係蕉徑二十幾年。

我地好支持政府支援本港農業，但過程裏可否留田、留人呢？

當初我地收到消息，這條擬建道路係冇影響我屋企，但後來在冇通知，冇知會之下改左條路嘅走線，直劇我屋企。我好想問，你地對外講，你地有知詢過好多人，但點解偏偏冇知詢受影響嘅人。

我同我先生都好喜愛蕉徑這地方，我地亦好希望可以繼續喺呢度生活下去。

另外，蕉徑長瀝關注組同一班村民一起想出一個新方案，就係由現時蕉徑路嘅盡頭，即小巴總站起，擬建道路通往農業園，呢條路比政府擬建嘅短好多。而政府因收地和工程所用的公帑預計都會少咗，我地估計大約少億幾兩億，而受影響嘅農夫亦由八個減至三個，因這新方案多左農地受影響嘅農夫蘭姐，我地都自行去問過，雖然我地好驚萬一蘭姐唔答應會點，結果佢話可以保住你地屋企，我大不了咪耕少D田。喺呢度多謝蘭姐體恤。

我就喺度唸，我地係諗呢個另類方案時都鼓起勇氣問受影響嘅人，點解政府係建議現時路線嘅時候唔同樣咁問我，即使最終我地未必如願，但這至少對最直接影響的人多了一份尊重。

或者我今日來，未必改變到咩，但我想同政府講 做規劃，推政策，可以坦白點，可以誠懇一D，民主一D呢！

蕉徑長瀝關注組